

封邱縣續志

王廣慶題

封邱縣續志卷十七

人物略 列女

略二

節孝

人物略八

魯氏邑人朱三升妻年二十夫沒遺一孤甫數月撫養成立守節三十有一年

雍正三年旌表

朱氏邑人回印秀妻夫歿氏年二十四守節三十有五年雍正八年旌表

崔氏邑人魯士聰妻夫歿氏年二十二守節三十有五年雍正八年旌表

蔡氏劉銓妻年二十九而夫歿守節三十七歲雍正八年旌表

蔡氏邑人曹生姓妻夫歿氏年二十有二孝事孀姑以婦代子撫教幼孤以母

兼師守節三十年雍正十年旌表

謝氏大岸王九我妻夫歿氏年二十有一矢志柏舟四十四年雍正十一年八月二十八日建坊入節孝祠

申氏東守宮村高永明妻延津申某女中年夫亡得一遺腹子氏矢志柏舟撫孤延嗣乾隆十七年及三十二年先後賜匾建坊旌表

郭氏黃陵集趙守禮妻康熙四十六年氏二十有五歲夫病故遺子峻嶺尙在懷抱氏頗明大義柏舟自誓敬姑撫孤不以艱辛渝志後峻嶺成立詣封朝

議大夫爲之請旌乾隆三十六年奉旨立節孝坊

以上八名見
通志及採訪

李氏古佛寺傅春山妻十六歲于歸僅二載夫病故以翁姑年高子方周歲矢志守節孝奉二老謹具甘旨義方訓子俾克成立咸豐九年旌

張氏石莊賈錫藩妻張金城女十九歲于歸只一載夫卽世氏因孀姑年邁嫂又多病扶持轉側全恃己力乃矢志守節孝養彌篤撫嗣子如己出壽古稀有二節孝兩全咸豐十年請旌同治六年奉旨入節孝祠

王氏張莊張錦榮妻邑人王殿女十八歲于歸甫一載夫病故氏日夜哀毀絕粒數日翁姑諭以大義始進飲食嗣後恪遵婦道馨膳潔羞外惟以女紅自勵迨翁姑相繼卽世喪葬無不如禮且和妯娌慈侄輩教嗣子列成均同治五年旌

賈氏孟莊石克謹妻縣內賈璞女二十五歲始結褵僅二載夫故氏念孀姑年邁須人扶持乃忍息以全孝道聞姑號泣必含悲爲喜善言解勸日和妯娌愛侄輩教嗣子終身靡他同治五年旌

常氏黃陵集趙日瑄妻常文英女十九歲于歸七載夫故以親老子幼矢志柏舟上奉孀姑下撫弱息守節六十有三年同治十一年旌

梁氏黃陵集趙延錕妻蘭儀梁文藻女十七歲于歸祇七載夫病故而遺孤尙在襁褓祖姑壽已古稀翁姑猶需孝養氏頗明大義上奉尊長下撫孩提卒至節孝雙全享壽五十有七同治十一年旌

趙氏黃陵集張立德妻趙日朗女十九歲于歸八載夫故氏哀毀欲死以親老子幼業薄家貧強延殘息奉親教子以延宗嗣同治十一年旌

李氏油房張鼎妻李綱女也十八歲于歸七載夫故氏痛毀殊甚幾至滅性因繼姑在堂責以大義遂忍死盡孝育子延嗣守節六十餘年同治十一年旌
唐氏邑人唐啟運女年十九適黃陵集吳興豹九年夫故因親老家貧奉養無

人襁褓尙幼宗祧堪虞遂忍痛延息孝慈兼盡守節三十三年同治十一年旌

高氏黃陵集趙延平妻邑人高繼女也二十一歲始出閨甫三載遺一子夫卽世氏哀毀過甚病幾不起賴祖姑及翁姑諭以大義方轉念誓以孝慈自勉家貧給以紡織子旣成立已節已完同治十一年旌

吳氏文寨張金魁妻邑人吳麟興女二十歲于歸結褵八載夫故氏因親老子幼苟延殘餘終身貞潔賢孝同治十一年旌

劉氏祥符劉聽女幼字郭莊郭嶠峯十九歲于歸年二十七夫故氏系出名門洞明大義孝孀姑教嗣子同治十一年旌

席氏小屯孫郇妻輝縣席作標女十九歲于歸祇七載生男女各一夫故越三

年子亡女又患瘋疾氏孤苦守節孝親盡禮同治十一年旌

王氏縣東街李春修妻邑人王玉照女也十八歲于歸九載生子芝夫卽世氏日夜哀毀欲以身殉旣念翁已耄老子尙幼穉仰事俯畜乃已天職矢志柏舟勤謹家務承歡之外義方教子乃翁卽世喪葬悉能如禮同治十一年旌宋氏黃陵集趙淑根妻宋世銓女十七歲于歸結褵五載夫故祖姑年近八旬孀姑亦老中饋無人遂以節孝自勉蓋以氏素嫻姆訓深明大義故能菽荼自甘於尊長之養生送死靡不從豐同治十一年旌

尤氏葛台雷真妻滑縣尤勤女十七歲于歸七載夫故遺一子汪然出涕曰娶妻爲養親延嗣也今我家親老子少徒負貞烈之名而失孝慈之道亦不得爲完人矣於是恪守閨訓機杼度日旣盡婦道又全母恩同治十一年旌

鄭氏黃陵集趙淑居繼室蘭儀鄭履豐女十八歲于歸祇三載夫病故氏痛不欲生因念孀姑在堂一子又夭膝下無人奉養乃矢志柏舟竭力孝敬同治十一年旌

甯氏馬村侯書妻邑人甯三元女十七歲于歸僅十八日夫故氏朝夕哀毀勺漿不入口者數日賴翁姑諭以大義始少進飲食矢志柏舟不飾簪珥除歸寧外恆終歲不出閨門恪盡婦道勞悴不辭以猶子玉立爲嗣同治十一年旌入節孝祠

王氏後馮村丁錦川妻邑人王霖溥女十六歲于歸祇一載餘夫病故氏欲身殉以子方數月忍痛矢志奉姑育孤孝慈並盡同治十一年旌

金氏後馮村丁鱗川妻邑人金家彥女十八歲于歸載餘夫故遣一女孀姑年

邁孤女呱涕氏乃忍痛矢志不數年姑與女俱亡氏又撫養猶子以承宗嗣

同治十一年旌

傅氏黃陵集趙淑儒妻長垣傅永年女十八歲于歸甫四載夫故遺一子尙幼曾祖及祖與翁皆逝世諸孀姑在堂事上撫孤勤儉持家孝慈兼盡始終克完節操同治十一年旌

王氏王壯國女性端重幼字油房張宜年十六于歸祇一載無所出夫卽世氏痛欲殉賴姑以大義相責方不死姑課女工嚴氏不惟處之怡然而仰事之誠四十三年如一日同治十一年旌今其坊歸然猶存

趙氏永頭程新培妻趙廷樗女十九歲于歸結褵八載生子女各一夫故氏欲殉以翁姑年邁子女幼穉遂以養孝撫幼爲事家貧躬親勤勞孝慈兼盡清

節堪爲世風同治十二年旌

范氏班鳩砦康國選妻邑人范克恭女十七歲于歸未十日國選死祖姑與孀姑俱年邁以奉養無人矢志柏舟承歡膝下養生送死悉能如禮同治十二年旌入節孝祠

田氏縣北街滑兆祿妻長垣田九成女年十七于歸祇八載夫卽世撫遺孤俾成立守節三十二年光緒十二年以節嫺懷清匾額表其門並入節孝祠

劉氏邑人呂裕恆妻縣西關劉道興女十八歲于歸結縭九載夫病疫死遺二

子翁姑俱存氏仰事俯畜孝慈兼至光緒二十三年旌

以上二十六名見櫺卷

劉氏陡門劉德女邑人章法先妻也性沉靜年十七于歸時章家赤貧饔殮不給而氏無懟言惟孀姑是孝夫子是敬閱七載姑見背百方籌措喪葬方克

盡禮逾年夫又死遺一子名澤民方三歲喪葬之餘孤苦更倍然境愈困而節愈勵子雖少而教彌嚴後至子遊泮水家業歲增彌留之際猶諄諄以勤儉訓其子守節四十五歲光緒二十三年旌以歐母齊芳匾額入節孝祠

見檢

卷及
採訪

雷氏小東關雷震之長女陳道謝興魁妻也性賢孝父及兄均早亡祖母喪明母又多病姊妹行四人氏居長而一弟兩妹皆幼穉家赤貧資饘舖生意度日事事非氏寸步難支母欲爲之擇婿氏赧然曰兒他適我家其離散矣誓非弟妹成人不字是以年二十四始歸謝氏時謝家亦淪落氏至典質衣纓仍開饘舖以佐家計無何翁棄養姑染癰瘕疾氏湯藥親嘗扶持轉側如是數年無惰容加以夫弟髫齡賴氏撫育光緒三年歲大歉適遭姑喪家愈式

微同夫謀食開州居劉五星村子一名玉亭方數歲既而夫旋省墳墓未返而逝三年始得耗乃攜子來歸至則房屋全無不得已又赴汴垣母傭工子學商數年後玉亭已成立聰敏孝順且勤勞工作由是返里而氏心慈善好施舍有遠支夫弟孤苦衰邁留養以終塋啟其妻攢使之合墓又有山東劉筱山夫婦攜子女流寓封城無何其夫卒停喪不能葬氏聞之惻然出錢具棺葬之後劉子亦早夭母女奄奄待斃常給薪米以贍其家陳道祖塋側購地十餘畝俾族中貧者分耕之不收租如義田然其他救助貧困捐助善舉不可勝數氏晚年好誦佛經不苟量酒素不識字久之心地光明並曉其音義光緒二十三年旌氏生於道光二十二年八月十二日於民國十二年十一月朔七日戌時卒年八十有二歲鄉人於其三周忌日建碑以表其墓

本檔

卷及謝氏
家乘纂

王氏邑人時大量妻祥境張八寨王太常女十七歲于歸咸豐十一年流寇入境其夫加入練鄉團禦賊陣亡時氏年二十有三孀姑在堂孝養兼至遺一女方三歲教育成人爲擇佳壻又能貞靜自守潔如珪璧光緒二十三年旌秦氏縣北街張汝化繼室山東濟甯秦永吉女于歸後待前子教養兼至氏三十歲時夫患時症死已出二子翁姑俱歿舟柏矢志以屢經事變家業凋零生計堪虞而歲時祭祀未嘗少缺且爲子延師求學節穀不給至典妝奩衣物以補之後長子毓相列成均次子毓梅入邑庠光前裕後悉氏之力光緒二十三年旌以柏舟亮節匾額

石氏孟莊石彬女幼字縣北街張琇十七歲于歸十一載夫患疫死無所出家

中諸事賴其料理青年守節皓首不二光緒二十三年旌

郭氏陽武郭恩女幼字縣內邊祖承十八歲于歸甫八載夫病瀉痢死氏欲身殉以翁姑在堂節哀勉盡婦道以胞侄濟昌承繼撫如己出爲之娶妻生子以延宗嗣後濟昌入邑庠亦氏教育之力光緒二十五年旌

馬氏者滑縣馬松嶺女也性沉淑喜怒不形於色尤工女紅十八歲歸王誥咸豐二年夫患時症死遺二子長廷松方四歲次廷楷只數月妯娌四人氏居其次羣處和集絕無纖微嫌其對子侄之教誨提攜又無異同視同治二年姑患病氏湯藥必親凡百多日及姑卒哭盡哀喪盡禮同治十年翁又卒亦如之光緒二十七年旌

楊氏黑石儒家女小屯係劬妻二十于歸劬父教子嚴試不售輒見責一日仍

鍛羽歸懼父督過自經死時年二十八遺一女率奉舅姑孝敬彌篤絕無怨
懟意舅姑憫其孀恆寬假之亦不自異室家造作勞同姊妹撫猶子世法爲
嗣教養兼盡卒獲成名壽八十有六光緒二十八年旌

趙氏陳固集趙鵬飛女幼字李馬台李憲章十八歲于歸結褵四載遺一周歲
子夫卽世不數年翁姑亦相繼棄養氏營葬雙親遣嫁兩妹并白紡績教子
理家貞潔自守門戶整飭光緒二十八年旌

夏氏南范莊王肅然妻邑人農家女十九歲于歸甫六載夫歿遺一女未幾女
又夭氏誠事舅姑勞瘁不辭歷久如常絕無怨意光緒二十八年旌

王氏小馬台高墳樂妻南范莊王汝舟女二十一歲于歸後五年夫病死姑目
喪明翁又棄世夫弟尙在孩提氏奉老撫幼勤勞不辭爲弟娶妻生子愛如

己出光緒二十八年旌

歐氏歐元祿女縣南街杜秀妻十九歲于歸結褵八年夫患瘟疫死時姑老子幼萬難度日氏猶矢志守節艱辛不辭上奉孀姑下撫幼子節孝雙全光緒三十年旌入節孝祠

邊氏縣南街范亮妻邊電女也十七歲適范氏孝奉翁姑無違夫子閱十載生四子長世忠次世德三世俊四世恩俱幼穉而夫死喪塋後餘產無多撫養爲艱而氏乃含辛茹苦恃織紡針黹以供朝夕且令長次子作負販以助家用暇更晝荻以教幼子泊四子皆成立家亦裕恤宗族濟貧困行種種慈善事業光緒三十年旌以節勵冰霜匾額入節孝祠

王氏縣內邊胡同呂廣聚妻祥屬東楊寺王傑女于歸時年十九越九載無所

出夫暴病歿氏孝敬翁姑勉盡婦道持清操以理家勤紡績以度日歲時伏臘甘旨孝養以胞侄順之爲嗣撫如己出延師課讀且爲之娶媳生孫四以延宗祀守節四十八年光緒三十一年旌

謝氏大韓丘謝金鏡三女幼字大里薛王君平十六歲于歸甫四載翁卽世祇有繼姑及女兒在室適值累年饑饉日不聊生繼姑改嫁女兒童養夫家夫又餬口他鄉氏無賴歸母家依父母度日父乏嗣得氏之操作方能自立迨父母相繼卽世爲之立繼嗣以延宗祧後復爲夫立嗣兩家門戶賴以不墜皆氏力也光緒三十三年旌

劉氏李灣李文德妻北后劉文田女十八歲于歸祇三載夫患瀉痢死氏痛欲殉以家貧親老勉強偷生矢志柏舟紡織度日孝奉翁姑莫不中禮光緒三